

ctus, ille censetur, qui in signo ac signi gradu, plures habuerit authoritates essentialis, ut si 6. gradus. ☿ in figura diurna ascenderet, Venus ibidem haberet dignitates essentialis. 5. ratione domicili sui. ☿ uero 9. ratione exaltationis triplicitatis & termini. Caeteros omnes uincens. Sic ☿ Almuten siue dominator ascendens censetur. Isto etiam modo in alijs operandum erit. Dux autem thematis est, qui in toto themate potiores & plures obtinet authoritates cum essentialis tum accidentales. Sunt autem authoritates essentialis. Domus exaltat, triplicitas, Terminus & facies. Accidentales autem ut in M. C. 12. in ascendente undecim iuxta Canonem sextum huius. Dux igitur is est, qui plures ex ijs obtinet authoritates ac fortitudines. Sol tamen secundum aliquos & ☽ in duces & dominatores particularium rerum non eliguntur, cum domini totius sint. Quomodo autem dominatores siue Almuten natiuitatis, Item gubernatores anni uel quartarum eius, etiam Eclipsium, Item coniunctionum, oppositionum & quadraturarum extrahi oportet, suis aperietur locis.

Quam Zodaici mansionem Luna peragret, patefacere. Canon XLII.



Vantam uetustissimi huius artis scriptores stellis fixis uim tribuerint, uel ex hoc apparet, quod totum Zodiaci circulum in 28. mansiones diuiserunt, nominaque, naturas, ac proprietates eisdem ab ipsis stellis indiderunt. Cum itaque Luna ob propinquitatem, quam ad ista inferiora habet, praeter caeteris obseruanda sit, in qua mansionum collocanda sit, facillime perspicitur. Nam singularum mansionum initia suis quaeque nominibus in tabula sequenti expressa uidere licet, quarum quaelibet usque ad initium proxime sequentis mansionis extenditur. Quare & initia & fines cum nominibus singularum mansionum, et subiecta tabula solo intuitu facile discas. Vbi igitur uerum locum Lunae ex Ephemeride aut tabulis astronomicis compertum habueris, facile definies adminiculo numerorum huius tabulae, quam Luna inter caelestia sidera mansionem occupet.

H iij Tabula